

**NO. SOALAN: 38**

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : TUAN NG WEI AIK [ TANJONG ]**

**TARIKH : 24 MAC 2015**

**RUJUKAN : 7550**

**SOALAN:**

**Tuan Ng Wei Aik [ Tanjong ]** minta **MENTERI DALAM NEGERI** menyatakan kenapa Pendaftar Pertubuhan tidak menurut persetujuan yang telah dicapai di antara Peguam Kanan Persekutuan dengan DAP di mahkamah pada 23 September 2014, walaupun telah diperakui oleh Jabatan Peguam Negara sendiri bahawa tiada asasnya bagi ROS tidak menerima keputusan pemilihan semula DAP yang telah disempurnakan pada 29 September 2013.

**JAWAPAN :**

**Tuan Yang di-Pertua,**

**Kementerian ini melalui Jabatan Pendaftaran Pertubuhan Malaysia masih menjalankan siasatan menyeluruh terhadap Democratic People's Party (DAP) berikutan pemilihan semula yang telah dijalankan oleh pihaknya pada 29 September 2013.**

**Walau bagaimanapun, pada 03 April 2014, Jabatan Pendaftaran Pertubuhan Malaysia telah menerima surat daripada pihak Democratic People's Party (DAP) yang memohon semakan kehakiman ke atas Jabatan Pendaftaran Pertubuhan Malaysia kerana mengeluarkan surat bertarikh 06 Disember 2014 yang meminta Democratic People's Party (DAP) mengemukakan maklumat-maklumat yang diperlukan oleh Jabatan. Oleh itu, pengurusan kes telah dijalankan pada 23 September 2014 di Mahkamah Tinggi Kuala Lumpur yang mana pada sesi tersebut, pihak Democratic People's Party (DAP) telah menarik balik niat saman terhadap Jabatan Pendaftaran Pertubuhan Malaysia setelah menyedari dan mengakui bahawa surat daripada Jabatan Pendaftaran Pertubuhan Malaysia kepada Democratic People's Party (DAP) yang bertarikh 06 Disember 2013 adalah berniat untuk menasihati dan bukan bermaksud memberikan suatu arahan kepada parti.**

**Sehingga kini, siasatan Jabatan Pendaftaran Pertubuhan Malaysia ke atas Democratic People's Party (DAP) masih diteruskan memandangkan pihak Jabatan masih lagi menerima aduan-aduan baru ke atas pihaknya walaupun setelah pemilihan semula dalaman parti tersebut telah dijalankan.**